

Dominica prima Octobris.

43 324

IN FESTO
SANCTISSIMI ROSARIJ
B. M. VIRGINIS,
LECTIONES PROPRIÆ SECUNDI
Nocturni, & orationes Officij,
& Missæ.

*Omnia dicuntur ut in Festo ad
Nives 5. Augusti, præter ea,
quæ hîc sequuntur.*

IN II. NOCTVRNO.

Lectio iv.

CVM Albigenſium hæ-
reſis per Tolofatum
Regionē impiè graſ-
faretur, atque altiùs
in dies radices ageret, Sanctus
Dominicus, qui nuper Prædica-
torum Ordinis fundamenta ie-
cerat, ad eam convellendam to-
tus incubuit. Id vt præſtaret
validiùs, auxilium B. Virginis,
cuius dignitas illis erroribus
impudentiſſimè petebatur: cui-
que datum eſt cunctas hæreſes

interimere in vniverſo mundo,
enixis precibus imploravit: à
qua (vt memoriæ proditum eſt)
cùm monitus eſſet, vt Roſarium
Populis prædicaret, velut ſin-
gulare adverſus hæreſes, ac
vitia præſidium; mirum eſt,
quanto mentis fervore, &
quàm felici ſucceſſu iniunctum
ſibi munus ſit executus. Eſt
autem Roſarium certa precan-
di formula, qua quindecim
Angelicarum Salutationum de-
cades, oratione Dominica in-
teriecta, diſtinguimus, & ad
earum ſingulas totidem noſtræ
reparationis myſteria pia me-
ditatione recolimus. Ex eo er-
go tempore pius hic orandi
modus mirabiliter per Sanctum
Do-

Dominicum promulgari, augerique cœpit: quem eiusdem Institutorem, Authoremque fuisse, Summi Pontifices Apostolicis litteris passim affirmârunt. Tu autem, &c.

Lectio v.

Innumerabiles porrò fructus ex hac tam salutari institutione in Christianam Rempublicam dimanârunt: inter quos Victoria illa meritò numeratur, quam Sanctissimus Pontifex Pius Quintus, & ab eo inflammati Christiani Principes apud Echinadas Insulas de Turcarum Tyranno potentissimo reportârunt. Nam cùm illa ipsa die ea Victoria relata sit, qua die Sanctissimi Rosarij Sodalitates per vniversum Orbem consuetas supplicationes peragerent, statutasque preces de more funderent; ijs precibus haud immeritò refertur accepta. Quod quidem cùm etiam Gregorius Tertius decimus testatus esset, vt pro tam singulari beneficio Beatæ Virginis sub appellatione Rosarij perennes gratiæ vbique

Terrarum haberentur; in Ecclesijs omnibus, in quibus Altare Rosarij foret, prima quaque Octobris Dominica Officium ritu duplici maiori perpetuò celebrandum indulsit: alijque Pontifices Rosarium recitantibus, eiusdemque Rosarij Sodalitatibus Indulgentias penè innumeras concessère. Tu autem, &c.

Lectio vi.

Nuper verò Clem. Vnderimus animo reputans insignem pariter Victoriam anno millesimo septingentesimo decimo sexto in Hungariæ Regno à Carolo sexto, in Imperatorem Romanorum electo, de innumeris Turcarum copijs relata, eo die contigisse, quo Festum Dedicationis Sanctæ Mariæ ad Nives celebraretur, atque eodem ferme tempore, quo Sanctissimi Rosarij Confratres publicam, solemnemque supplicationem in Alma Urbe ingenti Populi concursu, magnaque religione peragentes, fervidas ad Deum preces pro Turcarum de-

depressionem funderent, ac potentem opem Deiparæ Virginis in auxilium Christianorum humiliter implorarent; eam ob rem, Victoriâ illam, necnon liberatam paulò post eorumdem Turcarum obsidione Corcyrensem Insulam eiusdem Beatæ Virginis patrocinio piè censuit adscribendam. Quamobrem ut huius quoque tam insignis beneficii perennis semper & memoria extaret, & gratia; Sanctissimi Rosarii Festum eadem die, eodemque ritu celebrandum ad Ecclesiam univèrsam extendit. Hæc autem omnia Benedictus Decimus Tertius in Breviario Romano novissimè apponi iussit. Sanctissimam ergo Dei Genitricem cultu hoc eidem gratissimo iugiter veneremur: ut quæ toties Christi fidelibus, Rosarii precibus exorata, terrenos Hostes profligare dedit, ac perdere, infernos pariter superare concedat. Tu autem, &c.

Oratio.

DEus, cuius Unigenitus, per Vitam, Mortem,

& Resurrectionem suam, nobis salutis æternæ præmia comparavit: concede quæsumus, ut hæc mysteria Sanctissimo Beatæ Mariæ Virginis Rosario recolentes, & imitemur, quod continent, & quod promittunt, assequamur. Per eundem, &c.

Secreta.

FAC nos quæsumus Domine, his muneribus offerendis convenienter aptari, & per Sanctissimi Rosarii mysteria sic Vitam, Passionem, & Gloriam Unigeniti tui recolere, ut eius digni promissionibus efficiamur. Per eundem, &c.

Post communio.

SANCTISSIMÆ Genitricis tuæ, cuius Rosarium celebramus, quæsumus Domine, precibus adiuvemur; ut & mysteriorum, quæ recolimus, virtus percipiatur, & Sacramentorum, quæ sumpsimus, obtineatur effectus. Qui vivis, &c.

VR,

VRBIS, ET ORBIS.

Supraſcriptas Lectiones proprias, & Orationes Beatæ Mariæ Virginis Sanctiſſimi Roſarij, ab Eminentiſſimo, & Reverendiſſimo D. Card. Salerno diligentè reviſas, & in Sac. Rituum Congregatione relatas, Sac. eadem Rituum Congregatio ad enixas Eminentiſſimi, & Reverendiſſimi D. Card. Pipia Ordinis Prædicatorum Magiſtri Generalis inſtantias approbavit, ac in Officio, & Miſſa diei feſti ipſius Beatæ Mariæ Virginis Sanctiſſimi Roſarij ab utroque Clero tam Sæculari, quàm Regulari utriuſque ſexus uni-verſalis Eccleſiæ ad formam conſeſſionis à ſan. mem. Clemente Papa XI. ſub die 3. Octobris 1716. factæ in poſterum recitari, & in Breviario, ac Miſſali Romano apponi debere cenſuit, ſi Sanctiſſimo Domino noſtro viſum fuerit. Die 10. Martij 1725.

Factaque deinde per me Secretarium de prædictis Sanctiſſimo Domino noſtro relatione, Sanctitas Sua benigè annuit die 26. eiſdem menſis, & anni 1725.

F. Card. Paulutius Præf.

Loco ✠ Sigilli.

N. M. Tedeschi Archiepiſcopus Apamenus Sac. Rit. Congreg. Secret.